

Izvještaj o učešću ministra sporta i mladih Vasilija Laloševića na EU Sport forumu u Stokholmu, u periodu od 02 – 03. maj 2023. godine

Ministar sporta i mladih, Vasilije Lalošević, prisustvovao je dvodnevnom EU Sport Forumu koji se održao u Stokholmu. Forum je otvorila Marija Gabrijel, komesarka za inovacije, istraživanje, kulturu obrazovanje i mlade.

Visoki zvaničnici u oblasti sporta iz Evropske komisije, Savjeta Evrope i Olimpijskih komiteta evropskih zemalja otvorili su panel diskusiju o ulozi žena u sportu, nakon čega je uslijedila i diskusija na temu integriteta u sportu, predvođena ekspertima iz međunarodnih organizacija posvećenih borbi protiv negativnih fenomena u sportu.

Politika fizičke aktivnosti za bolje zdravlje, održivi sportski događaji u Evropi, sport kao vještina za cijeli život bile su teme za diskusiju drugog dana foruma, u kojima su učešće uzeli brojni govornici iz cijele Evrope.

Ministar Lalošević je imao priliku da se sastane sa mnogim zvaničnicima i stručnjacima iz oblasti sporta, u cilju razmjene iskustva i dobrih praksi. Posebno se ističe sastanak sa zamjenikom ministra sporta i mladih Ukrajine, Andrijem Česnokovim, zatim i članicom Evropskog parlamenta Ketrin Šabo važnosti podrške za razvoj sportskih programa i politika u Evropskoj uniji.

Sastanak za Georgisom Mavrotasom, generalnim sekretarom za sport u Vladi Grčke, bio je prilika za razgovor o mogućnostima saradnje između Crne Gore i Grčke u oblasti sporta.

Zajednička poruka svih učesnika EU sport foruma jeste da svi moramo raditi zajedno na promociji fizičke aktivnosti i zdravog načina života, dijeljenju evropskih vrijednosti i inkluziji u sportu.